

文廟祀典攷



文廟祀典考卷七

賜進士及第 誥授光祿大夫 經筵講官刑部尙書常熟龐鍾璣編輯

孔子年系

聖人所以垂教後世者備於六經論語自周秦諸子出往往依託孔氏以恣其詭誕之談家語非孔氏古本然較周秦諸子爲近實史記列孔子於世家列國世家年表多敘孔子事雖不免牴牾其尊聖至矣學者欲考聖人事蹟經傳論語之外舍二書其曷據哉宋績溪胡仔撰孔子編年一書總核經傳旁採諸家刊削僞妄歸於醇正立體最善自後若元金履祥程復心明夏洪基

國朝李灼江永鄭環遞有纂述考核益精夫聖人言論行事豈編年分紀所能盡者然不紀年則聖人之出處不明故

就諸家之書錄其要而補其闕並考證其同異庶聖人事蹟確然可據論語爲熟習之書故不備錄仍以朱子序說所引按年分注餘可類推已

孔子之先宋之後也微子啟帝乙之元子紂之庶兄以圻內諸

侯入爲王卿士

微國名子爵

武王克殷封紂之子武庚於朝歌使奉

湯祀武王崩而與管蔡霍三叔作亂周公相成王東征之二年

罪人斯得乃命微子代殷後作微子之命申之與國於宋微子

卒其弟曰仲思名衍

或名泄

嗣微子後故號微仲生宋公稽胄子

雖遷爵易位而班級不及其故者得以故官爲稱故二微雖爲

宋公而猶以微之號自終至於稽乃稱公焉

家語○不及其故當作不沒其故

稽生丁公申申生湑公其及煬公熙

家語○本作緡公襄公從史記改湑與慙通

公生弗父何

世本

及厲公鮒祀

家語○本作方祀從史記改

鮒祀弑煬公而自

史記

弗父何以下世爲宋卿弗父何生宋父周周生世父勝勝

生正考父

家語○弗父何以下原作方祀以下誤世父原作世子

校商之名頌十二篇於

周太師以那爲首

國語詩序

考父生孔父嘉五世親盡別爲公族故

後以孔爲氏焉一曰孔父者生時所賜號也是以子孫遂以氏

家語

孔父嘉爲宋司馬華督殺之而絕其世其子木金父降爲

士木金父生祁父祁父生防叔爲華氏所逼而奔魯爲防大夫

故曰防叔防叔生伯夏伯夏生叔梁紇

世本○祁父家語作畢夷

按孔子先世家語史記世本互有不同後人考訂亦異此

從孔繼汾世系考信家乘也微子啟史記避景帝諱作開

孔安國書傳云微圻內國名讀史方輿紀要微子城在潞

城縣東北十五里紂都朝歌微子食采於此水經注京相

璠曰壽張西北三十里有故微鄉杜預曰有微子冢蓋微

子初封在畿內徙封在壽張仍冠以初封之號耳史記微子卒立其弟衍是爲微仲呂覽亦以微仲爲微子弟與家語同檀弓微子舍其孫肅而立衍鄭注云微子適子死立其弟衍亦同家語而漢書古今人表微仲注云啟子竹書統箋微子生公子朱朱遁於荒野始終未嘗適周故微子舍肅而立衍亦以衍爲微子次子皆誤也鮒祀徐廣云一作魴譙周亦作魴祀家語作方祀左傳弗父何以有宋而授厲公服虔云弗父何湣公世子厲公之兄適嗣當有宋國而讓與厲公杜預注同詩疏云何是湣公世子父卒當立而煬公篡之厲公旣殺煬公將立弗父何而何讓與厲公皆與史記合而家語云熙生弗父何及厲公方祀與史記異考左傳正義引家語本姓篇云宋湣公熙生弗父何

其言滑公是也曰熙則傳寫之誤今本家語更誤也家語
謂方祀以下世爲宋卿考史記厲公子釐公釐公子惠公
惠公子哀公哀公子戴公戴公子武公武公子宣公皆嗣
立爲君不得云世爲宋卿方祀當是弗父何之誤今改正
胡氏編年曰何世爲宋大夫是也詩疏引世本云弗父何
生宋父宋父生正考父正考父生孔父嘉無世父勝一代
杜注弗父何孔父嘉之高祖則從家語不從世本世父勝
家語本作世子索隱同唐書宰相表作世父闕里本家語
亦作世父啖助謂孔氏之先皆以字連父是也家語云防
叔避華氏之禍而奔魯與世本同杜注謂孔父嘉爲宋督
所殺其子奔魯本服虔之說蘇氏古史胡氏編年俱從之
蓋以孔父旣爲督所殺其子卽當避禍不得至防叔而後

奔魯家語注云左傳桓公二年督殺孔父嘉此云至防叔始奔魯且三世矣於事不相次按宋世家華督弑逆爲殤公十年而莊公立凡十九年至湣公十一年南宮萬弑湣公殺華督諸公子與萬黨爭弑立國亂疑防叔避亂乃在湣公末年非卽嘉父之禍江氏永從之祁父亦作祁父家語作畢夷左傳疏引作皋夷江氏永謂畢乃皋之誤祁父蓋卽皋夷之字也防叔名不可考江氏永曰魯有東西二防此當爲東防在今兗州府費縣東北也

又按江氏永曰聖師之所以爲孔氏實由孔父嘉始孔父字也嘉名也後世以字爲氏本姓解存二說後說爲勝杜注以孔父爲名嘉爲字疏據傳文督攻孔氏謂孔父先世以孔爲氏江氏俱駁之是也祖庭廣記春秋時有三孔鄭

有孔張衛有孔達蓋姓同而族異也獨子姓孔氏始於宋
遷於魯遂世爲魯人按孔張姬姓孔達姑姓孔子子姓皆
以孔爲氏而姓各不同也

叔梁紇仕魯爲陬大夫

孔氏世系○史記注孔安國曰陬孔子父叔梁紇所治邑論語疏陬邑大夫孔

子父叔梁紇朱子集注陬魯邑名孔子父嘗爲其邑大夫

魯襄公十年諸侯伐偃陽偃陽人

啟門諸侯之士門焉縣門發叔梁挾之以出門者孟獻子曰詩

所謂有力如虎者也

左傳

十七年齊侯伐我北鄙圍桃高厚圍臧

紇于防師自陽關逆臧孫至于旅松叔梁與臧疇臧賈率甲三

百宵犯齊師送之而復

左傳

叔梁取魯之施氏雖有九女而無子

其妾生孟皮孟皮一字伯尼有足病於是乃求婚於顏氏顏氏

有三女其小曰徵在顏父問三女曰陬大夫雖父祖爲士然其

先聖王之裔今其人身長十尺

一作九尺

武力絕倫吾甚貪之雖年

長性嚴不足爲疑三子孰能爲之妻二女莫對徵在進曰從父
所制將何問焉父曰卽爾能矣遂以妻之家語宋大中祥符元年
封叔梁爲齊國公顏氏魯國太夫人元至順元年封叔梁爲啟
聖王顏氏啟聖王夫人明嘉靖九年改叔梁爲啟聖公天下文
廟立啟聖祠

國朝雍正元年追封孔子五代木金父爲肇聖王祖父爲裕聖
王防叔爲詒聖王伯夏爲昌聖王叔梁爲啟聖王改啟聖祠爲
崇聖祠咸豐七年以聖兄孟皮從祀崇聖祠

按叔梁左傳一作耶人紇一作耶叔紇娶魯之施氏五字
今本家語無據索隱補檀弓疏引家語云叔梁年餘七十
無妻今本家語無此文漢禮器碑顏氏聖舅家居魯親里
江氏永曰孔子父居尼邱山麓與顏氏同里二族相距二

三里顏氏當有姓襄十九年傳齊侯娶于魯曰顏懿姬則
顏氏姬姓其姪曰懿聲姬太平御覽引服虔左傳注云顏
懿其母姓聲懿謚也左傳有顏莊叔顏鳴顏高顏羽廣韻
顏姓本自伯禽支庶食采顏邑因而著族顏真卿家廟碑
謂出於祝融曹姓其裔邾武公夷甫字顏子友別封邾爲
小邾子遂以顏爲氏未知孰是

又按孟皮子名忠家語作弗字子蔑壻爲南容鄭氏環云
夫子事兄當無弗至五王廟程朱之父皆得配享而孟皮
公闕如不惟子蔑與南容愀然抑亦夫子之所愀然者已
今孟皮公已配享崇聖祠又云曲阜縣孔子之後號內孔
孟皮之後號外孔各有萬餘丁

庚戌魯襄公二十二年

當周靈王二十一年

孔子生於魯昌平鄉陬邑

史初記

顏氏既廟見以夫之年大懼不時有男而私禱尼邱山以祈焉

生孔子

家語

生而首上圩頂

史記

故因名曰□字仲尼

家語

爲兒嬉

戲常陳俎豆設禮容及長長九尺有六寸人皆謂之長人而異

之史記

按公羊傳襄公二十一年十有一月庚子孔子生

何注時

卯勵氏滋大曰是年歲在己酉古文卯作卯西作卯字形相近故誤

穀梁傳襄公二十一年

十月庚子孔子生史記魯襄公二十二年孔子生公羊與

穀梁差一月史記與公穀差一歲朱子論語序說以史記

之年繫以公羊之月日日魯襄公二十二年庚戌之歲十

一月庚子生孔子讀者疑之先儒主公穀之說者賈逵注

二十一年經云此年仲尼生服虔於昭公二十四年載賈

逵語云仲尼時年三十五

見困學紀聞

洪興祖始斷爲十月二

十一日卽夏之八月二十一日宋氏濂謂信史不如信傳
於年從公穀於月從穀梁而不取洪興祖周家改月之說
其主史記之說者杜預左傳注謂孔子二十二年生又於
哀公十六年注云至今七十三其昭十七年注仲尼年二
十八昭七年注云僖子卒時年三十五以襄二十一年數
者承用賈逵之語未及改耳胡舜陟謂如公穀所書則孔
子出處之年與經史諸子皆不合金履祥謂二十一年日
再食決非生聖人之年羅泌推以元厯並引孔氏家譜祖
庭記定爲二十二年十月二十七日卽夏之八月二十七
日夏洪基謂公羊口授穀梁後出公羊書月已訛安在可
據其解公穀史記三家之異者司馬貞謂公羊襄公二十
一年十有一月庚子孔子生今以爲二十二年蓋以周正

句 十一月屬明年故誤毛奇齡駁之謂周正十一月第能為夏正九月其說非也小司馬本

意謂春秋用夏正史遷從周正以夏十一月屬明年周正月故以二十一年為二十二年耳然其說亦難通以十月

庚辰朔推之無論夏正周正建子月俱無庚子日也馮去疾謂以歷推之二十一年

八月當置閏十月庚子已交十一月朔氣穀梁年月皆紀

實公羊月以節書史記年以節書三者皆非誤宋濂謂世之星史歷

生以六物占人休祥當氣會之交固有生於已酉而以庚戌推之者孰謂吾儒而有是耶此野人之論勿以汙齒可也

又或謂春秋用夏正史記如秦法見通鑑前編謂夏正建子之月即秦之二

月五行書庚戌年二月或謂穀梁用夏正十月建亥乃公

庚子之說因此而誤四書大全吳程

羊之十二月說尤為無據調人之說去而逾遠

國朝閻若璩曰近黃太沖以歷上推斷生於襄二十二年建

酉之月二十七日庚子與羅泌路史昭合余亦推以歷歎

為定論黃太沖推二十二年酉月甲戌朔故二十七日為庚子戌月甲辰朔無庚子日也

江永聖

蹟考畧如洪氏之說謂公穀二家去聖未遠當必有據金履祥謂二十一年九月十日兩食必非生聖人之年此不知歷法故也合朔當交而食必須隔五六月無連月比食之理未可以是斷聖人生年朱子旣引史記不得不依其生年然以公羊之十一月庚子係之則亦誤孔氏家譜年譜世表素王記事俱從史記孔庭摘要謂庚戌年十月二十七日申時生卽夏之八月其言申時者則牽合路史所引五行書之說也

五行書論孔子以庚戌年二月二十三日庚子申時生呂元善聖門志又

傳會爲庚戌年戊子月庚子日甲申時均無足辨

闕里文獻考則從穀梁近人山

陰高雲驥謂後傳二十七年十一月辰在申所云再失閏當在二十一年以前據劉歆以九月庚戌朔爲七月十月庚辰朔爲八月故從穀梁而以十月爲建未之月謂二千

載未發之覆然未有再失閏至七八年而始知者則其說似未可信也總之公穀二家年同日同惟月異以經十月庚辰朔推之則庚子爲二十一日十一月無庚子日此二十一年十月二十一日之說也史記後公穀一年不紀月日者乃史家之體其所記之事及卒年七十三皆以二十年推卒年說見後與公穀不合而本書自無不合朱子從其年而繫以公羊之月日本之蘇轍古史辭應旂甲子會紀同惟二十二年十一月實無庚子日故羅泌以爲十月二十七日黃宗義閻若璩推以厯謂二十二年十月甲戌朔則二十七日爲庚子此二十二年十月二十七日之說也其餘曲說皆不足信今

功令旣以八月二十七日爲聖誕自當從史記況以年記孔

子事史記爲詳若從公穀則處處須移前一年誠如胡舜
陟之說宋儒多從史記胡氏編年從史記而不著月日猶
有闕疑之意今仍之

又按史記陬邑徐廣曰陬音騶論語作鄒左傳作邾說文
同正義作鄒左傳杜注邾邑魯縣東南莒城是也括地志
云故鄒城在兗州泗水縣東南六十里昌平山在縣南六
十里鄉取山爲名故闕里在縣南五十里又云兗州曲阜
縣魯城西南三里有闕里中有孔子宅正義曰夫子生在
鄒長徙曲阜仍號闕里考尼山在曲阜縣東南六十
里卽顏母所禱也山五峯連峙名五老峰下有坤靈洞北
爲中和壑其流爲智源溪溪卽沂水之源宋仁宗皇祐二
年封山神爲毓聖侯顏母山在尼山東三里中隔沂水上

有顏母井及祠堂遺址昌平山在尼山南五里下有魯源村卽昌平鄉也

又按爲兒嬉戲年譜世系俱繫之六歲胡氏編年則于初生時終言之祖庭廣記載顏氏禱於尼山升之谷草木之葉皆上起降之谷草木之葉皆下垂王嘉拾遺記載孔子未生之先有麟吐玉書於闕里其文曰水精之子繼衰周而素王顏氏異之以繡紱繫麟角信宿而去廣記又載先聖誕生之夕有二龍繞室五老降庭顏氏之房聞鈞天之樂空中有聲云天感生聖子故降以和樂之音夢珍集載顏氏夢二蒼龍自天而下因生夫子廣記又載先聖生質異常有四十九表反首洼面月角日準河目海口龍顙蚪脣昌顏均頤輔喉駢齒龍形龜脊虎掌駢脅修肱參膺圩